

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj 7/10), a u vezi sa članom 112, stav 2. Poslovnika Skupštine Zeničko-dobojskog kantona – Novi prečišćeni tekst (“Službene novine Zeničko-dobojskog kantona”, broj 7/12), razmatrajući Inicijativu poslanika u Skupštini Zeničko-dobojskog kantona Jupić Adnana za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 143. sjednici, održanoj 31.12.2013. godine, d o n o s i

ZAKLJUČAK

I.

Prihvata se Mišljenje Ministarstva za rad, socijalnu politiku i izbjeglice o Inicijativi poslanika u Skupštini Zeničko-dobojskog kantona Jupić Adnana za donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

II.

Stav Vlade Zeničko-dobojskog kantona iz tačke I ovog zaključka upućuje se Skupštini Zeničko-dobojskog kantona.

III.

Zaključak stupa na snagu danom donošenja.

Broj: 02-02-27646/13.

Datum, 31.12.2013. godine

Z e n i c a

PREMIJER

Munib Husejnagić, dipl.ing.maš.

DOSTAVLJENO:

1x Ministarstvo za rad, socijalnu politiku i izbjeglice,

1x Stručna služba Skupštine Zeničko-dobojskog kantona,

1x a/a.



ZENIČKO-DOBOJSKI KANTON

VLADA
n/r Premijera
n/r Sekretara

Broj: 09-02-25420-3/12
Zenica, 25.12.2013. godine

PREDMET: Odgovor na poslaničku inicijativu Jupić Adnana, d o s t a v l j a s e

Stručna služba Skupštine Zeničko-dobojskog kantona je aktom broj: 01-02-25420-1/13 od 04.12.2013. godine, zatražila odgovor na inicijativu koju je poslanik Jupić Adnan podnio na 47. Sjednici Skupštine Zeničko-dobojskog kantona dana 03.12.2013. godine. Inicijativa poslanika Jupić Adnana odnosi se na donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom.

Nakon razmatranja pokrenute Inicijative, Ministarstvo za rad, socijalnu politiku i izbjeglice daje:

Mišljenje

Inicijativa poslanika Adnana Jupića se odnosi da tačka 1) iz stava (2) člana 54. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09- u daljem tekstu: Federalni zakon) postane stav (1) člana 96. Zakona o socijalnoj zaštiti, zaštiti civilnih žrtava rata i zaštiti porodice sa djecom (“Sl. novine Zeničko-dobojskog kantona”, broj: 13/07 i 13/11 – u daljem tekstu Kantonalni zakon).

Kantonalnim zakonom i to članom 96. stav (1) propisano je sljedeće:

„(1) Civilna žrtva rata, u smislu ovog i Federalnog zakona, je lice kod kojeg je tokom rata ili neposredne ratne opasnosti, usljed ranjavanja ili nekog drugog oblika ratne torture nastupilo oštećenje organizma, što uključuje mentalno oštećenje ili značajno narušavanje zdravlja ili nestanak ili pogibiju tog lica, pod okolnostima utvrđenim Federalnim zakonom (u daljem tekstu: civilna žrtva rata).“

Dakle, Kantonalnim zakonom je utvrđeno da se za priznavanje statusa civilne žrtve rata imaju primjeniti okolnosti propisane Federalnim zakonom.

Federalnim zakonom i to članom 54. stav (2) tačke 1) – 6) taksativno su nabrojane okolnosti koje mogu biti osnov za dobijanja statusa civilne žrtve rata, i isti glasi :

„(2) U skladu sa stavom 1. ovog člana, status civilne žrtve rata priznaje se:

- 1) licu kod kojeg je nastupilo oštećenje organizma od najmanje 60% ili značajno narušavanje zdravlja usljed mučenja, nehumanog i ponižavajućeg postupanja, nezakonitog kažnjavanja, protupravnog lišavanja slobode, zatvor, koncentracioni logor, internacija, prinudni rad u toku ratnog stanja ili neposredne ratne opasnosti,
- 2) licu kod kojeg je nastupilo oštećenje organizma od najmanje 60% u vezi sa ratnim događajima (bombardovanje, ulične borbe, eksplozija ratnog materijala, zalutali metak i sl.),
- 3) licu kod kojeg je nastupilo oštećenje organizma od najmanje 60% od eksplozije zaostalog ratnog materijala nakon završetka rata,



- 4) licu kod kojeg je nastupilo oštećenje organizma od najmanje 60% u vezi sa diverzantskim, terorističkim akcijama kojima se ugrožava sigurnost i ustavni poredak Federacije,
- 5) članovima porodice nestalog lica, ako je nestalo lice bilo civil odnosno nije bilo pripadnik oružanih snaga,
- 6) članovima porodice lica koje je poginulo u vezi sa ratnim događajima (bombardovanje, ulične borbe, eksplozija ratnog materijala, zalutali metak i sl.).“

Uvažavanjem Inicijative na način da se u Kantonalni zakon unese samo jedna okolnost od mogućih šest taksativno nabrojanih okolnosti koji su osnov za dobijanja statusa civilne žrtve rata, dovela bi do favoriziranja jedne kategorije civilnih žrtava rata.

Ministarstvo za rad, socijalnu politiku i izbjeglice je Programom rada za 2014. godinu planiralo provođenje procedure i donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, i mišljenja smo da se Inicijativa poslanika uzme u razmatranje na način da se u Kantonalni zakon unese cijeli stav (2) člana 54. Federalnog zakona.

Dostavljeno:

2x Naslov

1x a/a

MINISTAR

Ivica Ćurić